

Принеслъ еси Богу служеніе твое, и на земли преклонивъ главу твою мучениче, мечемъ пріялъ еси отсѣченіе, зовый: вся дѣла пойте Господа, и превозносите его во вѣки.

*Богородиченъ.*

Дѣвствуєтъ чрево и рождши сына, егоже безъ семене отъ духа святаго зачатъ, Бога неописанна въ плоть облекшася, отцу собезначална слова. Егоже вся дѣла яко Господа поють, и превозносятъ во вѣки.

ПѢСНЬ ѿ.

*Грмоєъ: Камень нерукоспѣный:*

Возлюбилъ еси паче Хріста возлюбившаго тя страстотерпче, и возлюбленную твою душу предложилъ еси рачителю твоему Хрісту прославльшему свидѣтельство твое приснопамятне.

Свѣщникъ трисолнечнымъ свѣтомъ вжигаемъ, мучениковъ явился еси, Мино досточудне, вѣрный просвѣщающій, и демонскій мракъ отгоняющій.

Пріими хвалу яко долгъ отъ усердія происходящу, превосходяй нашихъ словесъ мучениче Мино, и воздаждь безчисленно отъ сокровищъ твоихъ дарованія.